

Messadi pertuccont la radunonza communal da mesjamna, ils 12 da zercladur 2025, allas 20.15, en la fermata

Preziadas votantas e prezias votants

A caschun dalla radunonza communal vegnan presentadas las suandontas fatschentas:

Tractanda 2

Constataziun dall'approbaziun dils protocols dallas radunonzas communalas dils 23-10-2025 e dils 12-12-2025

Ils protocols numnai ein, tenor la constituziun communal, vegni exponi publicamein duront 30 dis en canzlia communal. Ei ha dau neginas protestas.

Ils protocols valan cunquei sco approvai.

Tractanda 3

Rapport annual e rendaquen per ils 31-12-2025

- **rapport annual dil president communal**
- **quen annual 2025**
- **rapport dalla cumissiun da gestiun**
- **approbaziun dil rapport annual e dil quen annual, descharscha alla suprastonza communal, all'administraziun communal ed a tut ils funcziunaris**

Il quen annual dalla vischnaunca siara cun in'autofinanziaziun da CHF 1'909'723.92. En detagl sepresentan las cefras sco suonda:

autofinanziaziun	CHF	1'909'723.92
amortisaziuns ordinarias	CHF	315'602.50
amortisaziuns ordinarias supplementaras	CHF	22'440.00
reservas (fatgas/retratgas)	CHF	151'446.94
augment digl agen capital	CHF	1'420'234.48

Il rapport cun il quen annual vegn tarmess a tut ils percasas e plinavon publicaus sin la pagina-web dalla vischnaunca www.falera.net. Ulteriurs exemplars san ins retrer dall'administraziun communal.

Il quen annual vegn explicaus a caschun dalla radunonza communal.

La suprastonza communal propona d'approbar il rapport annual ed il quen annual per igl onn 2024.

Tractanda 4

Eleccziuns

- **1 commember per la suprastonza communal (reelecziun)**
- **1 commember per la cumissiun da baghegiar (reelecziun)**
- **1 commember per la cumissiun da gestiun (demissiun)**

Commember per la suprastonza communal

Luca Casutt semetta a disposiziun per in'ulteriura perioda d'uffeci en suprastonza communal.

Commember per la cumissiun da baghegiar

Remo Darms semetta a disposiziun per in'ulteriura perioda d'uffeci per la cumissiun da baghegiar.

Commember per la cumissiun da gestiun

En consequenza da sia demissiun suenter 8 onns metta Kristin Bonderer a disposiziun siu uffeci sco commembra dalla cumissiun da gestiun. La suprastonza communal vegn a proponer alla radunonza communal ina successiun corrispudenta per l'elecziun.

La suprastonza communal propona da confirmar las personas che stattan a disposiziun per in uffeci e d'eleger il candidat proponiu.

Tractanda 5

Fundaziun menaschi forestal "Revier forestal Gonda" entras las vischnaucas da Laax, Sagogn e Falera

Alla radunonza communal vargada dils 12-12-2025 ei la proposta dalla suprastonza pertuccont reorganisaziun dil revier forestal cun las vischnaucas da Sagogn, Laax, Falera e Schluein vegnida approbada unanimamein.

Suenter che la radunonza communal dalla vischnaunca da Schluein ha decidu encunter ina participaziun al revier forestal, han la cumissiun da project sco era las suprastonzas communalas da Sagogn, Laax e Falera decidu da perseguir vinavon il project era senza la vischnaunca da Schluein. Corrispudentamein ein ils statuts vegni adattai alla situaziun da partenza nova da treis vischnaucas.

En cumparegliaziun cul project dil december vargau ein oravontut la clav da repartiziun ed il capital agen semidai suandontamein:

Clav da repartiziun:

La clav da repartiziun sebasa silla surfatscha d'uaul totala ed il tagl annual (2 x tagl annual + 1 x surfatscha d'uaul totala), quei che dat las suandontas cumparts per mintga vischnaunca:

Laax	50.75%
Sagogn	26.80%
Falera	22.45%

Capital da participaziun:

Per garantir la liquiditad necessaria dil menaschi ordinari dall'instituziun, prestan las vischnauncas commembras in deposit unic sco capital da participaziun ella dimensiun da totalmein frs. 350'000.00. La repartiziun vegn fatga tenor la clav fixada sura:

Laax CHF 177'622.-

Sagogn CHF 93'793.-

Falera CHF 78'585.-

La fundaziun dil niev stabiliment ei prevedida tier il consentiment dallas treis vischnauncas pigl 1.1.2027.

La suprastanza communal propona d'approbar ils statuts dall'instituziun autonoma da dretg public «Revier forestal Gonda» e d'approbar aschia la participaziun dalla vischnaunca da Falera alla fundaziun dil menaschi forestal niev, la sliagiun dalla corporaziun vertenta dallas vischnauncas da Sagogn e Laax «Revier forestal Sagogn-Laax» sco era il deposit unic da frs. 78'585.- sco capital da participaziun alla nova instituziun

Falera, ils 29-5-2026

En num dalla suprastanza communal

Norbert Good
president communal

Ivo Speck
menader operativ dalla vischnaunca